

春秋左氏古經

春秋左氏古經五

僖公

元年

春王正月

齊師宋師曹師次于聶北救邢

按說文品部引春秋傳次  
于品北讀若聶此蓋左氏

經傳之古文後人以其同音易其  
古字如築廩之改築郿亦是也

夏六月邢遷于夷儀

齊師宋師曹師城邢

秋七月夫人姜氏薨于夷齊人以歸

楚人伐鄭

八月公會齊侯宋公鄭伯曹伯邾人于櫟

櫟公羊作打穀梁一本作打

九月公敗邾師于偃

偃公羊作纓穀梁一本作堰

冬十月壬午公子友帥師敗莒師于鄆獲莒挐

鄆穀梁作麗公羊作

挐公羊一本作茹

十有二月丁巳夫人氏之喪至自齊

二年

春王正月城楚丘

夏五月辛巳葬我小君哀姜

虞師晉師滅下陽

下公穀  
皆作夏

秋九月齊侯宋公江人黃人盟于貫

冬十月不雨

楚人侵鄭

三年

春王正月不雨

夏四月不雨

徐人取舒

六月雨

秋齊侯宋公江人黃人會于陽穀

冬公子友如齊蒞盟

蒞公穀皆作蒞蒞  
蒞皆嫌之假借字

四年

春王正月公會齊侯宋公陳侯衛侯鄭伯許男曹伯侵蔡  
蔡潰

遂伐楚次于陘

夏許男新臣卒

楚屈完來盟于師盟于召陵

齊人執陳轅濤塗

轅公穀皆作袁按左氏釋文云袁本多  
作轅乃俗人以轅袁互易也轅姓本從

車後乃省作袁爰北史袁狎自謂出黃帝姓李給曰當共  
車千秋分一字耳李意謂國語黃帝姓本作轅也按今國  
語十二姓內僕  
字本轅字之誤

秋及江人黃人伐陳

八月公至自伐楚

葬許穆公

穆公羊  
作穆

冬十有二月公孫茲帥師會齊人宋人衛人鄭人許人曹

人侵陳

茲公羊  
作慈

五年

春晉侯殺其世子申生

杞伯姬來朝其子

夏公孫茲如牟

茲公羊作慈

公及齊侯宋公陳侯衛侯鄭伯許男曹伯會王世子于首

止

止公穀皆作戴下同

秋八月諸侯盟于首止

鄭伯逃歸不盟

楚人滅弦弦子奔黃

九月戊申朔日有食之

冬晉人執虞公

六年

春王正月

夏公會齊侯宋公陳侯衛侯曹伯伐鄭圍新城

秋楚人圍許諸侯遂救許

冬公至自伐鄭

七年

春齊人伐鄭

夏小邾子來朝

鄭殺其大夫申侯



春秋七月公會齊侯宋公陳世子款鄭世子華盟于甯母

穀甯

作寧母左音義曰如字又音無公穀皆作母音義曰音無又茂后反

曹伯班卒

班公羊作般

公子友如齊

冬葬曹昭公

八年

春王正月公會王人齊侯宋公衛侯許男曹伯陳世子款

盟于洮

公羊款下有鄭世子華

鄭伯乞盟

夏狄伐晉

秋七月禘于大廟用致夫人

冬十有二月丁未天王崩

惠王也  
襄王立

九年

春王三月丁丑宋公御說卒

夏公會宰周公齊侯宋子衛侯鄭伯許男曹伯于葵丘

秋八月乙酉伯姬卒

九月戊辰諸侯盟于葵丘

甲子晉侯倮諸卒

左穀甲子公羊作甲戌以上文戌辰次之則甲戌是也惠氏士奇曰甲子乃誤

字侂公穀

皆作詭

冬晉里克弑其君之子奚齊

弑陸德明作殺非也今依公羊作弑公羊傳曰此未踰年

之君也其言弑其君之子奚齊何弑未踰年君之號也左傳曰書曰弑其君之子未葬也案左謂未葬故書其君之子不書其君非謂未葬故書殺不書弑公羊云未踰年左氏云未葬立說小異耳今左經乃作殺傳乃作書曰殺其君之子未葬也學者乃疑在喪之君可言殺不言弑矣穀梁經本亦作弑楊疏不誤坊記引春秋弑其君之子奚齊陸氏亦譌殺

十年

春王正月公如齊

狄滅溫溫于奔衛

晉里克弑其君卓及其大夫荀息

公羊卓下有子字

夏齊侯許男伐北戎

晉殺其大夫里克

秋七月

冬大雨雪

雪公羊作雹見漢五行志

十有一年

春晉殺其大夫丕鄭

今左鄭下有父字非也公穀鄭下皆有父字按公羊徐彥解云左氏經無

父字考左氏傳言丕鄭者因不言父則其經之無父字明矣

夏公及夫人姜氏會齊侯于陽穀

春秋左傳卷之二十一  
秋八月大雩

冬楚人伐黃

十有二年

春王三月庚午日有食之

夏楚人滅黃

秋七月

冬十有二月丁丑陳侯杵臼卒

杵公羊作處

十有三年

春秋侵衛

夏四月葬陳宣公

公會齊侯宋公陳侯衛侯鄭伯許男曹伯于鹹

秋九月大雩

冬公子友如齊

十有四年

春諸侯城緣陵

夏六月季姬及鄆子遇于防使鄆子來朝

鄆本或作緡穀梁作緡漢書地

理志曰緡故國禹後

秋八月辛卯沙鹿崩

狄侵鄭

冬蔡侯肸卒

十有五年

春王正月公如齊

楚人伐徐

三月公會齊侯宋公陳侯衛侯鄭伯許男曹伯盟于牡丘

遂次于匡

公孫敖帥師及諸侯之大夫救徐

帥公羊唐石經作率按隱五年傳文四言率師

何注云二千五百人稱師無駭率師入極是也疏舉僖十五年公孫敖率師字皆作率蓋左穀作帥公羊作率而後

人亂之故公羊隱二年無駭亦作帥而此公孫敖作率  
以後經文多率帥錯出者蓋皆轉寫公羊者之過也

夏五月日有食之

秋七月齊師曹師伐厲

八月螽

公羊作螺

九月公至自會

季姬歸于鄆

穀梁作緇

己卯晦震夷伯之廟

冬宋人伐曹

楚人敗徐于婁林



十有一月壬戌晉侯及秦伯戰于韓獲晉侯

十有六年

春王正月戊申朔隕石于宋五

隕公羊作賁

是月六鵙退飛過宋都

音義云鵙本或作鵙按當以鵙爲正公穀皆作鵙今或改之釋文不

誤說文引春秋傳六鵙退飛

三月壬申公子季友卒

夏四月丙申鄆季姬卒

鄆穀梁作繒

秋七月甲子公孫茲卒

茲公羊作慈

冬十有二月公會齊侯宋公陳侯衛侯鄭伯許男邢侯曹

伯于淮

十有七年

春齊人徐人伐英氏

夏滅項

秋夫人姜氏會齊侯于卞

卞俗弁字也

九月公至自會

冬十有二月乙亥齊侯小白卒

十有八年

春王正月宋公曹伯衛人邾人伐齊

夏師救齊

五月戊寅宋師及齊師戰于甌齊師敗績

狄救齊

秋八月丁亥葬齊桓公

冬邢人狄人伐衛

十有九年

春王三月宋人執滕子嬰齊

夏六月宋公曹人邾人盟于曹南鄆子會盟于邾

宋公公羊作宋

人唐石經同鄆子板本公羊作鄆人唐石經作鄆子按下云邾人執鄆子兩文聯接不當作鄆人也鄆穀梁作緡下

司

己酉邾人執鄆子用之

秋宋人圍曹

衛人伐邢

冬會陳人蔡人楚人鄭人盟于齊

公羊會上  
有公字唐石經同

梁亡

二十年

春新作南門

夏鄆子來朝

五月乙巳西宮災

鄭人入滑

秋齊人狄人盟于邢

冬楚人伐隨

二十有一年

春秋侵衛

宋人齊人楚人盟于鹿上

夏大旱

秋宋公楚子陳侯蔡侯鄭伯許男曹伯會于孟執宋公以

伐宋

孟公作霍穀作  
雩雩或爲字

冬公伐邾

楚人使宜申來獻捷

十有二月癸丑公會諸侯盟于薄釋宋公

二十有二年

春公代邾取須句

句公羊  
作胸

夏宋公衛侯許男滕子伐鄭

秋八月丁未及邾人戰于升陘

冬十有一月己巳朔宋公及楚人戰于泓宋師敗績

二十有三年

春齊侯伐宋圍緡

緡穀梁作閔

夏五月庚寅宋公茲父卒

茲公羊作慈

秋楚人伐陳

冬十有一月杞子卒

二十有四年

春王正月

夏狄伐鄭

秋七月

冬天王出居于鄭

晉侯夷吾卒

二十有五年

春王正月丙午衛侯燬滅邢

夏四月癸酉衛侯燬卒

宋蕩伯姬來逆婦

宋殺其大夫

秋楚人圍陳納頓子于頓

葬衛文公



冬十有二月癸亥公會衛子莒慶盟于洮

二十有六年

春王正月己未公會莒子衛甯速盟于向

速公羊作邀按邀者籀文

齊人侵我西鄙公追齊師至雋弗及

雋左作鄙陸氏云戶圭反一音似轉反接

似轉反則字當作雋非也

夏齊人伐我北鄙

衛人伐齊

公子遂如楚乞師

秋楚人滅夔以夔子歸

夔公羊作隗子唐石經穀梁作人誤

冬楚人伐宋圍緡

緡穀梁作閔見廿三年左音義今穀梁作緡誤也

公以楚師伐齊取穀

公至自伐齊

二十有七年

春杞子來朝

夏六月庚寅齊侯昭卒

秋八月乙未葬齊孝公

乙巳公子遂帥師入杞

冬楚人陳侯蔡侯鄭伯許男圍宋

十有二月甲戌公會諸侯盟于宋

二十有八年

春晉侯侵曹晉侯伐衛

公子買戍衛不卒戍刺之

楚人救衛

三月丙午晉侯入曹執曹伯畀宋人

襄少蘊曰當依左傳宋人下補田字

夏四月己巳晉侯齊師宋師秦師及楚人戰于城濮楚師

敗績

齊師唐石經殺梁作齊侯誤

楚殺其大夫得臣

衛侯出奔楚

五月癸丑公會晉侯齊侯宋公蔡侯鄭伯衛子莒子盟于踐土

陳侯如會

公朝于王所

六月衛侯鄭自楚復歸于衛

衛元咺出奔晉

陳侯款卒

秋杞伯姬來

公子遂如齊

冬公會晉侯齊侯宋公蔡侯鄭伯陳子莒子邾子秦人于

溫

天王狩于河陽

狩左本又作守穀梁作守

壬申公朝于王所

晉人執衛侯歸之于京師

諸侯遂圍許

曹伯襄復歸于曹遂會諸侯圍許

左經作圍許傳作于許者謂會諸侯於圍許之

師也彼時曹無師

二十有九年

春介葛盧來

公至自圍許

夏六月會王人晉人宋人齊人陳人蔡人秦人盟于翟泉

翟公羊  
作狄

秋大雨雹

冬介葛盧來

三十年

春王正月

夏狄侵齊

秋衛殺其大夫元咺及公子瑕

衛侯鄭歸于衛

晉人秦人圍鄭

介人侵蕭

冬天王使宰周公來聘

公子遂如京師遂如晉

三十有一年

春取濟西田

公子遂如晉

夏四月四卜郊不從乃免牲猶三望

秋七月

冬杞伯姬來求婦

狄圍衛

十有二月衛遷于帝丘

三十有二年

春王正月

夏四月己丑鄭伯捷卒

捷公羊作接



衛人侵狄

秋衛人及狄盟

冬十有二月己卯晉侯重耳卒

三十有三年

春王二月秦人入滑

齊侯使國歸父來聘

夏四月辛巳晉人及姜戎敗秦于殽

殽公羊本又作肴

癸巳葬晉文公

狄侵齊

公伐邾取訾婁

訾婁二字公羊作叢祇一字亦作鄒穀梁作訾樓

秋公子遂帥師伐邾

晉人敗狄于箕

冬十月公如齊

十有二月公至自齊

乙巳公薨于小寢

隕霜不殺草

隕公羊作霽

李梅實

晉人陳人鄭人伐許

春秋古經五篇終

公羊經四卷終

穀梁經四卷終

春秋左氏古經六

文公

元年

春王正月公卽位

二月癸亥日有食之

公羊作  
癸亥朔

天王使叔服來會葬

夏四月丁巳葬我君僖公

天王使毛伯來錫公命

錫石經及宋  
本作賜非也

晉侯伐衛

叔孫得臣如京師

衛人伐晉

秋公孫敖會晉侯于戚

冬十月丁未楚世子商臣弑其君頌

公穀皆作髡

公孫敖如齊

二年

春王二月甲子晉侯及秦師戰于彭衙秦師敗績

衙公羊本亦作

牙

丁丑作僖公主

三月乙巳及晉處父盟

夏六月公孫敖會宋公陳侯鄭伯晉士穀盟于垂隴

穀左本亦

作穀穀梁作穀亦作穀隴公穀皆作斂

自十有二月不雨至于秋七月

八月丁卯大事于大廟躋僖公

冬晉人宋人陳人鄭人伐秦

公子遂如齊納幣

三年

春王正月叔孫得臣會晉人宋人陳人衛人鄭人伐沈沈

潰

夏五月王子虎卒

秦人伐晉

秋楚人圍江

雨螽于宋

螽公羊當作蜺今釋文唐石經公羊皆作螽恐誤

冬公如晉十有二月己巳公及晉侯盟

晉陽處父帥師伐楚以救江

公穀皆無以公羊曰伐楚為救江也穀梁曰江遠楚近伐

楚所以救江也左之以字疑淺人所增

四年

春公至自晉

夏逆婦姜于齊

狄侵齊

秋楚人滅江

晉侯伐秦

衛侯使甯俞來聘

徐彥曰公羊正本作速字故賈氏云公

卽甯莊子也僖廿八年三十年左傳皆記武子事則此

來聘必武子矣公羊非也公羊彼作邀則此亦當作邀

冬十有二月壬寅夫人風氏薨

今本作十有一月壬寅杜氏本作十有二月壬寅長

麻云十二月庚午朔無壬寅也楊氏昌霖云今三經皆作十有一月蓋據杜說改之十一月庚子朔三日得壬寅然



非經之舊矣顧氏棟高曰十一月是辛丑朔壬寅是二日

五年

春王正月王使榮叔歸含且賜

三月辛亥葬我小君成風

王使召伯來會葬

召伯穀梁作毛伯陸氏云左氏公羊及徐邈本並云召伯此疑誤

夏公孫敖如晉

秦人入郛

秋楚人滅六

冬十月甲申許男業卒

徐彥曰業公羊正本作辛字

六年

春葬許僖公

夏季孫行父如陳

秋季孫行父如晉

八月乙亥晉侯驩卒

驩公羊作謹

冬十月公子遂如晉葬晉襄公

晉殺其大夫陽處父

晉狐射姑出奔狄

閏月不告月猶朝于廟

七年

春公伐邾

三月甲戌取須句遂城郛

句公羊作胸

夏四月宋公王臣卒

王本或作王穀梁王臣本或作王臣

宋人殺其大夫

戊子晉人及秦人戰于令狐

晉先蔑奔秦

公羊作晉先昧以師奔秦昧今本作昧石經不誤

狄侵我西鄙

秋八月公會諸侯晉大夫盟于扈

冬徐伐莒公孫敖如莒涖盟

八年

春王正月

夏四月

秋八月戊申天王崩

襄王也頃王立

冬十月壬午公子遂會晉趙盾盟于衡雍

乙酉公子遂會雒戎盟于暴

雒戎本或作伊雒之戎陸云此後人妄取傳文加耳公羊

作伊雒戎穀梁本或作伊雒之戎暴公羊本又作曝俗字也

公孫敖如京師不至而復丙戌奔莒

而字公穀皆無唐石經公穀不誤

螽公羊作螺

宋人殺其大夫司馬宋司城來奔

九年

春毛伯來求金

夫人姜氏如齊

二月叔孫得臣如京師辛丑葬襄王

晉人殺其大夫先穀

三月夫人姜氏至自齊

晉人殺其大夫士穀及其鄕父

穀梁士穀本又作士穀

楚人伐鄭

公子遂會晉人宋人衛人許人救鄭

夏狄侵齊

秋八月曹伯襄卒

九月癸酉地震

冬楚子使椒來聘

椒穀梁作萩或作菽按菽卽荂之俗公羊本或作萩

秦人來歸僖公成風之襚

葬曹共公

十年

春王三月辛卯臧孫辰卒

夏秦伐晉

楚殺其大夫宜申

自正月不雨至于秋七月

及蘇子盟于女栗

女栗公羊作女栗  
栗疑卽栗譌字

冬狄侵宋

楚子蔡侯次于厥貉

厥公羊  
作局

十有一年

春楚子伐麇

麇公羊  
作圖

夏叔彭生會晉卻缺于承筐

一作叔仲彭生  
釋文曰衍字

秋曹伯來朝

公子遂如宋

狄侵齊

冬十月甲午叔孫得臣敗狄于鹹

十有二年

春王正月邾伯來奔

邾公羊  
作盛

杞伯來朝

二月庚子子叔姬卒



夏楚人圍巢

秋滕子來朝

秦伯使術來聘

術公羊作遂亦有作術者

冬十有二月戊午晉人秦人戰于河曲

季孫行父帥師城諸及鄆

鄆公羊作運

十有三年

春王正月

夏五月壬午陳侯朔卒

邾子貜條卒

邜條唐石經及各本从艸非也今正公  
殺不誤邜條竹席也此以器爲名也

自正月不雨至于秋七月

大室屋壞

大公羊作世漢書五行志曰大室屋壞穀梁公羊經曰世室按今穀梁經不作世

冬公如晉衛侯會公于沓

公羊作會于沓無公字

狄侵衛

十有二月己丑公及晉侯盟

公還自晉鄭伯會公于棐

公穀皆無公還之公字棐公作斐本又作棐

十有四年

春王正月公至自晉

邾人伐我南鄙

叔彭生帥師伐邾

夏五月乙亥齊侯潘卒

六月公會宋公陳侯衛侯鄭伯許男曹伯晉趙盾莒西同盟于新城

秋七月有星孛入于北斗

公至自會

晉人納捷菑于邾弗克納

捷公羊作接

九月甲申公孫敖卒于齊

齊公子于商人弑其君舍

宋子哀來奔

冬單伯如齊

齊人執單伯

齊人執子叔姬

十有五年

春季孫行父如晉

三月宋司馬華孫來盟

夏曹伯來朝

齊人歸公孫敖之喪

六月辛丑朔日有食之鼓用牲于社

單伯至自齊

晉卻缺帥師伐蔡戊申入蔡

秋齊人侵我西鄙

宋本有秋字公穀經不誤

季孫行父如晉

冬十有一月諸侯盟于扈

十有二月齊人來歸子叔姬

齊侯侵我西鄙遂伐曹入其郛

十有六年

春季孫行父會齊侯于陽穀齊侯弗及盟

夏五月公四不視朔

六月戊辰公子遂及齊侯盟于郟上

郟公羊作犀穀梁作師

秋八月辛未夫人姜氏薨

毀泉臺

楚人秦人巴人滅庸

冬十有一月宋人弑其君杵臼

杵公羊作處

十有七年

春晉人衛人陳人鄭人伐宋

夏四月癸亥葬我小君聲姜

聲公羊作聖

齊侯伐我西鄙

六月癸未公及齊侯盟于穀

諸侯會于扈

秋公至自穀

冬公子遂如齊

十有八年

春王二月丁丑公薨于臺下

秦伯罃卒

昭五年注秦伯罃相名徐彥曰文十八年作罃字今此作嬰字誤也文十八年秦伯罃卒之下

賈氏云穀梁作偃公羊作替按今穀梁不作偃

夏五月戊戌齊人弑其君商人

六月癸酉葬我君文公

秋公子遂叔孫得臣如齊

冬十月子卒

夫人姜氏歸于齊

季孫行父如齊

莒弑其君庶其

春秋古經六篇終

公羊經五卷終

穀梁經五卷終



春秋左氏古經七

宣公

元年

春王正月公卽位

公子遂如齊逆女

三月遂以夫人婦姜至自齊

夏季孫行父如齊

晉放其大夫胥甲父于衛

公會齊侯于平州

公子遂如齊

六月齊人取濟西田

秋邾子來朝

楚子鄭人侵陳遂侵宋晉趙盾帥師救陳

宋公陳侯衛侯曹伯會晉師于裴林伐鄭

冬晉趙穿帥師侵密

密亦作崇  
公羊作柳

晉人宋人伐鄭

二年

春王二月壬子宋華元帥師及鄭公子歸生帥師戰于大

棘宋師敗績獲宋華元

秦師伐晉

夏晉人宋人衛人陳人侵鄭

秋九月乙丑晉趙盾弑其君夷臯

臯公羊作獬

冬十月乙亥天王崩

匡王也弟定王立

三年

春王正月郊牛之口傷改卜牛牛死乃不郊猶三望

葬匡王

楚子伐陸渾之戎

陸公羊作賁音義云音奔

夏楚人侵鄭

秋赤狄侵齊

宋師圍曹

冬十月丙戌鄭伯蘭卒

葬鄭穆公

四年

春王正月公及齊侯平莒及邾莒人不肯公伐莒取向

秦伯稻卒

夏六月乙酉鄭公子歸生弑其君夷

赤狄侵齊

秋公如齊

公至自齊

冬楚子伐鄭

五年

春公如齊

夏公至自齊

秋九月齊高固來逆子叔姬

按左傳曰齊高固來逆女自爲也故書曰逆叔姬卿自逆

也傳無子字者省文也公穀叔姬上皆有子字

叔孫得臣卒

冬齊高固及子叔姬來

楚人伐鄭

六年

春晉趙盾衛孫免侵陳

夏四月

秋八月

螽公羊作蝶

冬十月

七年

春衛侯使孫良夫來盟

夏公會齊侯伐萊

秋公至自伐萊

大旱

冬公會晉侯宋公衛侯鄭伯曹伯于黑壤

八年

春公至自會

夏六月公子遂如齊至黃乃復

辛巳有事于大廟仲遂卒于垂壬午猶繹萬入去籥

戊子夫人嬴氏薨

嬴公穀皆作熊

晉師白狄伐秦

楚人滅舒蓼

蓼穀梁作鄧又作蓼

秋七月甲子日有食之既

冬十月己丑葬我小君敬嬴雨不克葬庚寅日中而克葬

敬嬴公穀

皆作頃熊

城平陽

楚師伐陳

九年



春王正月公如齊

公至自齊

夏仲孫蔑如京師

齊侯伐萊

秋取根牟

八月滕子卒

九月晉侯宋公衛侯鄭伯曹伯會于扈

晉荀林父帥師伐陳

辛酉晉侯黑臀卒于扈

冬十月癸酉衛侯鄭卒

宋人圍滕

楚子伐鄭

晉卻缺帥師救鄭

陳殺其大夫泄冶

十年

春公如齊公至自齊

齊人歸我濟西田

夏四月丙辰日有食之

己巳齊侯元卒

齊崔氏出奔衛

公如齊五月公至自齊

癸巳陳夏徵舒弑其君平國

六月宋師伐滕

公孫歸父如齊

葬齊惠公

晉人宋人衛人曹人伐鄭

秋天王使王季子來聘

公孫歸父帥師代邾取繹

繹公羊作繹

大水

季孫行父如齊

冬季孫歸父如齊

齊侯使國佐來聘

饑

楚子伐鄭

十有一年

春王正月

夏楚子陳侯鄭伯盟于辰陵

公孫歸父會齊人伐莒

秋晉侯會狄于欒函

冬十月楚人殺陳夏徵舒

丁亥楚子入陳

納公孫寧儀行父于陳

寧公羊作甯

十有二年

春葬陳靈公

楚子圍鄭

夏六月乙卯晉荀林父帥師及楚子戰于邲晉師敗績

秋七月

冬十有二月戊寅楚子滅蕭

晉人宋人衛人曹人同盟于清丘

宋師伐陳衛人救陳

徐彥曰宋師伐陳諸家經皆有此文惟賈氏注者闕此一經疑脫耳

十有三年

春齊師代莒

夏楚子伐宋

秋螽

公羊作螟

冬晉殺其大夫先穀

穀穀梁作穀一作穀

十有四年

春衛殺其大夫孔達

夏五月壬申曹伯壽卒

晉侯伐鄭

秋九月楚子圍宋

葬曹文公

冬公孫歸父會齊侯于穀

十有五年

春公孫歸父會楚子于宋

夏五月宋人及楚人平

唐陳岳春秋折衷云左穀宋人及楚平公羊作楚人平按今左穀皆

作及楚人平

六月癸卯晉師滅赤狄潞氏以潞子嬰兒歸

秦人伐晉

王札子殺召伯毛伯

秋螽

公羊作環

仲孫蔑會齊高固于無婁

無公羊作牟

初稅畝



冬螽生

饑

十有六年

春王正月晉人滅赤狄甲氏及畱吁

夏成周宣榭火

公羊作謝災穀梁作榭災或作謝災

秋鄴伯姬來歸

冬大有年

十有七年

春王正月庚子許男錫我卒

春秋左傳卷之二十一  
丁未蔡侯申卒

夏葬許昭公

葬蔡文公

六月癸卯日有食之

己未公會晉侯衛侯曹伯邾子同盟于斷道

秋公至自會

冬十有一月壬午公弟叔肸卒

十有八年

春晉侯衛世子臧伐齊

公伐杞

夏四月

秋七月邾人戕鄆子于鄆

穀梁鄆皆作繒

甲戌楚子旅卒

旅穀梁作呂

公孫歸父如晉

冬十月壬戌公薨于路寢

歸父還自晉至笙遂奔齊

笙公穀皆作櫟

春秋古經七篇終

公羊經六卷終

穀梁經六卷終

春秋左氏古經八

成公

元年

春王正月公卽位

二月辛酉葬我君宣公

無冰

三月作丘甲

夏臧孫許及晉侯盟于赤棘

秋王師敗績于茅戎

茅公穀及史記漢書皆作買古音同也

冬十月

二年

春齊侯伐我北鄙

夏四月丙戌衛孫良夫帥師及齊師戰于新築衛師敗績

六月癸酉季孫行父臧孫許叔孫僑如公孫嬰齊帥師會

晉卻克衛孫良夫曹公子首及齊侯戰于鞌齊師敗績

僑穀

梁本又作喬首公穀皆作手公羊一作午

秋七月齊侯使國佐如師己酉及國佐盟于袁婁

八月壬午宋公鮑卒

庚寅衛侯速卒

速公羊作邈

取汶陽田

冬楚師鄭師侵衛

十有一月公會楚公子嬰齊于蜀

丙申公及楚人秦人宋人陳人衛人鄭人齊人曹人邾人

薛人鄆人盟于蜀

鄆穀梁作繒

三年

春王正月公會晉侯宋公衛侯曹伯伐鄭

辛亥葬衛穆公

二月公至自伐鄭

甲子新宮災三日哭

乙亥葬宋文公

夏公如晉

鄭公子去疾帥師伐許

帥公羊作率

公至自晉

秋叔孫僑如帥師圍棘

大雩

晉卻克衛孫良夫伐齊咎如

齊公羊作將穀梁作牆牆與齊一字也

冬十有一月晉侯使荀庚來聘

衛侯使孫良夫來聘

丙午及荀庚盟丁未及孫良夫盟

鄭伐許

四年

春宋公使華元來聘

三月壬申鄭伯堅卒

堅公羊作馭亦或作堅玉篇引成公四年鄭伯矩卒云矩古堅字按矩乃

矩之譌也从糸臣聲卽緊字

杞伯來朝



夏四月甲寅臧孫許卒

公如晉

葬鄭襄公

秋公至自晉

冬城鄆

公羊作運

鄭伯伐許

五年

春王正月杞叔姬來歸

仲孫蔑如宋

夏叔孫僑如會晉荀首于穀

首公羊作秀

梁山崩

秋大水

冬十有一月己酉天王崩

定王也簡王立

十有二月己丑公會晉侯齊侯宋公衛侯鄭伯曹伯邾子杞伯同盟于蟲牢

六年

春王正月公至自會

二月辛巳立武宮

取鄆

衛孫良夫帥師侵宋

帥公羊作率

夏六月邾子來朝

公孫嬰齊如晉

壬申鄭伯費卒

秋仲孫蔑叔孫僑如帥師侵宋

帥公羊作率

楚公子嬰齊帥師伐鄭

帥公羊作率

冬季孫行父如晉

晉欒書帥師救鄭

帥公羊作率

七年

春王正月鼯鼠食郊牛角改卜牛鼯鼠又食其角乃免牛

吳伐鄭

夏五月曹伯來朝

不郊猶三望

秋楚公子嬰齊帥師伐鄭

帥公羊作率

公會晉侯齊侯宋公衛侯曹伯莒子邾子杞伯救鄭八月

戊辰同盟于馬陵

公至自會

吳入州來

冬大雩

衛孫林父出奔晉

八年

春晉侯使韓穿來言汶陽之田歸之于齊

晉欒書帥師侵蔡

公孫嬰齊如莒

宋公使華元來聘

夏宋公使公孫壽來納幣

晉殺其大夫趙同趙括

秋七月天子使召伯來錫公命

謹按今左經作賜乃錫之謫字也左傳曰召桓公來

賜公命以賜訓錫凡經作錫傳作賜如文元年經天王使毛伯來錫公命傳王使毛伯衛來賜公命是其例也俗本改傳之賜爲錫者非此改經作賜亦非公穀此經皆作錫釋文不云左傳作賜今依曲禮正義作錫

冬十月癸卯杞叔姬卒

晉侯使士燮來聘

叔孫僑如會晉士燮齊人邾人伐邾

衛人來媵

九年

春秋左傳卷之六  
春王正月杞伯來逆叔姬之喪以歸

公會晉侯齊侯宋公衛侯鄭伯曹伯莒子杞伯同盟于蒲  
公至自會

二月伯姬歸于宋

夏季孫行父如宋致女

晉人來媵

秋七月丙子齊侯無野卒

晉人執鄭伯

晉欒書帥師伐鄭

冬十有一月葬齊頃公

楚公子嬰齊帥師伐莒庚申莒潰

楚人入鄆

公羊作運

秦人白狄伐晉

鄭人圍許

城中城

十年

春衛侯之弟黑背帥師侵鄭

夏四月五卜郊不從乃不郊



五月公會晉侯齊侯宋公衛侯曹伯伐鄭

齊人來媵

丙午晉侯獯卒

秋七月公如晉

自唐石經已下三經此年有冬十月三字者非也禮記中庸正義云成十年不書冬

十月賈服有說則左經之無可知公羊何注云公如晉者冬也而去冬惡成公經之無冬尤顯今穀梁經有此三字亦必淺人所增當陸氏作音義時三經皆無故不著一語假令有異同則釋文必著之矣

十有一年

春王三月公至自晉

晉侯使卻犇來聘己丑及卻犇盟

犇公羊作州亦作犇

夏季孫行父如晉

秋叔孫僑如如齊

冬十月

十有二年

春周公出奔晉

夏公會晉侯衛侯于瑱澤

公羊作沙澤

秋晉人敗狄于交剛

冬十月

十有三年

春秋左傳卷之二十一  
春晉侯使卻錡來乞師

三月公如京師

夏五月公自京師遂會晉侯齊侯宋公衛侯鄭伯曹伯邾

人滕人伐秦

穀梁唐石經作公至自京師大誤

曹伯廬卒于師

秋七月公至自伐秦

冬葬曹宣公

十有四年

春王正月莒子朱卒

夏衛孫林父自晉歸于衛

秋叔孫僑如如齊逆女

鄭公子喜帥師伐許

帥公羊亦作率

九月僑如以夫人婦姜氏至自齊

冬十月庚寅衛侯臧卒

秦伯卒

十有五年

春王二月葬衛定公

三月乙巳仲嬰齊卒

癸丑公會晉侯衛侯鄭伯曹伯宋世子成齊國佐邾人同

盟于戚

成公羊作戌音恤本或作成

晉侯執曹伯歸於京師

公至自會

夏六月宋公固卒

楚子伐鄭

秋八月庚辰葬宋共公

宋華元出奔晉宋華元自晉歸于宋

宋殺其大夫山

宋魚石出奔楚

冬十有一月叔孫僑如會晉士燮齊高無咎宋華元衛孫林父鄭公子魴邾人會吳于鍾離

許遷于葉

十有六年

春王正月雨木冰

夏四月辛未滕子卒

鄭公子喜帥師侵宋

六月丙寅朔日有食之

晉侯使欒黶來乞師

甲午晦晉侯及楚子鄭伯戰于鄢陵楚子鄭師敗績

楚殺其大夫公子側

秋公會晉侯齊侯衛侯宋華元邾人于沙隨不見公公至  
自會

公會尹子晉侯齊國佐邾人伐鄭

曹伯歸自京師

九月晉人執季孫行父舍之于莒

莒公羊作招

冬十月乙亥叔孫僑如出奔齊

十有二月乙丑季孫行父及晉卻欒盟于扈

欒公羊作州

公至自會

乙酉刺公子偃

十有七年

春衛北宮括帥師侵鄭

帥公羊作率

夏公會尹子單子晉侯齊侯宋公衛侯曹伯邾人伐鄭

六月乙酉同盟于柯陵

秋公至自會

齊高無咎出奔莒



九月辛丑用郊

晉侯使荀息來乞師

冬公會單子晉侯宋公衛侯曹伯齊人邾人伐鄭

十有一月公至自伐鄭

壬申公孫嬰齊卒于貍脰

脰公羊作軫  
穀梁作蜃

十有二月丁巳朔日有食之

邾子貍且卒

晉殺其大夫卻錡卻犇卻至

犇公羊  
作州

楚人滅舒庸

十有八年

春王正月晉殺其大夫胥童

庚申晉弑其君州蒲

史通云左氏州蒲誤也當爲州蒲見王邵讀書志

齊殺其大夫國佐

公如晉

夏楚子鄭伯伐宋宋魚石復入于彭城

公至自晉

晉侯使士匄來聘

秋杞伯來朝

八月邾子來朝

築鹿囿

己丑公薨于路寢

冬楚人鄭人侵宋

晉侯使士魴來乞師

魴公羊作彭

十有二月仲孫蔑會晉侯宋公衛侯邾子齊崔杼同盟于

虛打

丁未葬我君成公

春秋古經八篇終

公羊經七卷終

穀梁經七卷終